

柳河縣鄉土志

馬秀峯

謝書林

袁謙光

劉如林

調查員
隋紹欽

劉永昌

王兆文

劉集雲

張士達

編纂員 奎 斌

鄒銘勳

學堂建業生同校

歷史

政績錄

兵事錄

耆舊錄

人類

戶口

氏族

缺

宗教

實業

地理

山 水 道 路 物 產 商 務

上古三代為肅慎比國南境漢晉北魏以迄隋唐為高句麗北境
遼為定理府地金為婆速府路元為咸平府西南境明為棟鄂部
西境

國朝設大國場鮮圍場地與鮮圍接壤名之曰崇山以由 戶部領票
採取參文因以命名光緒二年

盛京將軍崇實招民開墾設通化縣為通化縣北境兼設柳樹河分防
縣丞一缺二十八年

盛京將軍增祺奏請自

龍崗以北劃通化頤養存養息養涵養直養愛養育養蒙養純養
安養休養東善養西善養興養恩養撫養宏養惠養引養培養

和養二十一保改柳河鎮為柳河縣設知縣一員典史一員三十二年

盛京將軍趙爾巽添設樣子哨分防巡檢一員隸於海龍府

政蹟

光緒二年

盛京將軍崇實設立地畝局派員丈放相度地勢定為上中下三則上則無折中則二畝折一畝下則三畝折一畝每畝收押租東錢一吊照費東錢一百文發給

盛京將軍大照永遠管業熟地當年升科生荒三年後升科每畝歲徵正課銀二分耗羨銀一分歸通化縣徵收正課年終彙解東邊道庫耗羨留支各官廉俸役食等項之用四年設柳樹河分防縣丞一員試辦委員崇懷滿洲正白旗人辦理未及就緒五年撥省委員傅雲颺山東萊州府人接辦監修衙署丈放街基設立隄保而規模租具是年七月大水街市被冲旋坐補是缺十二年八月丁憂回籍

隋兒山巡檢王其昌浙江人署理是年十二月病故十三年昌圖府司獄
魯銘順天涿州人接署十四年七月大水街市又被冲淹十五年冬撤省開
原縣訓導李澧順天府人補授二十四年病故試用巡檢王北坦山東
濟甯州附生署理十月准補是缺德凱漢軍旗人到任二十八年春奉調
見試用縣丞沈宗達浙江山陰人署理是年八月改設縣治自

龍崗以北二十一保劃歸柳河升科地畝歸柳河徵收正課解交奉天
財政總局耗羨留支各官廉俸役食等項之用設治委員陳衍庶
字晉凡安徽懷甯縣舉人八月到任維時正值兵燹之後盜賊充斥
公設立鄉團實力搜捕先後拏獲賊匪七十餘名正法地方賴以粗安
二十九年六月撤省范公樹升字高也浙江錢塘縣貢生接辦到任

後改修衙署創辦牛馬稅勸民開墾改從圖治不遺餘力三十年九

月在任病故。蘇公思溫字玉如，河南靈寶縣附生。接署時，值日俄宣戰，兩軍在境，俄人逼索車輜，強買糧草。公嚴守中，三不稍依阿。俄人怒，脅公出城六十里。因公三日，公不稍動，俄人咸敬禮之。送公還。三十年九月，丁憂。施公世杰，字鄭傳，浙江會稽縣舉人。接署時，日俄和局甫定，公首先創辦巡警，分全境為三路，先後擒獲要犯董洛道等三十餘名。正法地方稍安，又設立師範傳習所，宣講所以廣教育而開民智。三十二年十二月，捐升離任。張公翼廷，字紉宸，直隸承德府增貢生。接署到任後，查知民生困苦，戶鮮蓋藏，首裁署中各項陋規，歸併房班酌定訟費，不用門房票，請以候選府經歷戴策勳為收發委員，繼將相沿之木匠頭、鐵匠頭、屠戶頭、鼓樂頭、孤貧頭、官醫、星刑差連署中各項供應概予革除。傳令鄉間者，老來城廛之客室詳。

詢疾苦調查各保鄉止賬簿知民之受累甚重將鄉止會房概予革除復將巡警言未盡事宜詳定章程編演白話告示刷印張貼均經稟奉

盛京將軍趙公爾巽先後通飭各屬遵行三十三年師範傳習所修業在縣街先設小學堂一所以為各保之倡並勸諭各保趕速舉辦人見公之誠也亦相率操辦撫養蒙養兩保先後成立公復買置學堂房間修建警署察公所練警兵三十名分段站崗宵小絕迹復捐廉贖買捕盜營房並將駐紮防營房租稟請官款概免民攤至是則全境之民歷年舊累為之一清分防巡檢謝鴻藻典史袁占鰲亦將隆冬告示青苗告示火牌憲書各陋規稟請裁除民間無一錢之擾皆公賜也公復督修典史衙署修建監獄終日經營不遺餘力至於

業什尋常蓋訟旣用諭傳日坐大堂隨到隨判除命盜案外從未枉
捏一人而舊日積案清理一空赴鄉相驗居民至不知為本縣官簡
可知也每坐大堂於斷案時不憚反復開導務尚演說民大感化

兵事

光緒四年設柳樹河分防縣丞地在萬山環繞之中南有

龍崗東接濛江林深箐密時有賊匪混迹其間四出搶掠以故居民
寥寥二十四年四月巨盜李龍飛突起大股由海龍竄入肆意蹂
躪復出境焚掠海龍之朝陽鎮勢甚猖獗五月又由大灘平入境與
鄉團接仗西竄碗口溝大沙灘一帶焚燬搶掠經

盛京將軍依克唐阿派統領烏爾棍布帶隊會同鄉團追至六道溝
敗之復追至野豬溝賊西竄

與京界之五鳳樓又敗之賊首劉發奎攜所獲財物先逃孛賊孤立無
援竄伏

龍崗山中勢窮乞降七月被擒解省正法地方肅清二十六年吉林

煙集崗地方復起忠義偽軍匪首劉彈子即劉永和曉以李即李
桂春張桂林王洛道即王和達等糾賊數萬勢甚猖熾時休養係孤
山子有任持董洛道即董教敏與賊通信引之入境焚殺擄掠聲
勢洶洶通化縣陳璋派通字各營管帶孟繼山高錫九等會同
練長侯立魁張永貴等在通溝孤山子鹿尾林等處與賊接仗敗
績賊益張通化失守另有振東股匪匪首十四閻王即楊玉林在
通化吉林交界一帶盤踞二十七年通化縣陳璋會同俄兵擊賊敗之
四月賊由通化進攻海龍府城經總管依凌阿收撫股匪馮佩君劉
寶書編成游擊隊與賊接仗海龍圍解賊仍竄回維時俄兵與
通化海龍各隊與賊時有小戰村落為墟人民為之一空賊復文

興京被俄兵擊敗竄回時俄員馬大力多夫住通化將賊首林七即張

依張桂林等收撫地方稍安劉禪子董洛道王洛道仍逃吉林濛江一帶迭次派兵往勦迄未擒獲二十八年復起股匪丁藍旗滿天紅二股勾合董洛道王洛道再攻通化時值繪圖俄員帶俄兵趕至通化賴以保全旋經統領瑞祿擊賊於六道江敗之賊竄小堡藍山大牛溝一帶瑞祿尾追至西善營保二道溝大敗之王洛道董洛道竄回濛江丁藍旗逃往

興京是年王洛道被吉林拏獲正法地方粗安然零星股匪搶鄉之案仍復不少八月改柳樹河縣丞為柳河縣三十一年日俄戰爭戰縣境時有洋兵佔踞股匪李俊子宗奎等乘隙糾夥多股四出搶掠知縣蘇恩溫營官唐敬師帶兵擊之拏獲賊首宗奎一止法餘賊逃竄三十二年賊首陳福建即陳把頭帶日人二名在縣

境紳陳福廷經通化縣收撫餘匪經知縣施世杰收撫遣散是年忠
義偽軍賊首董洛道經知縣施世杰在濛江擊獲自示請正法另有
股匪劉佳章（劉佳章）等滋擾派東路分巡官李鴻運西路分巡官侯立魁勦
滅之先是三月間知縣施世杰以各保團練章程不齊遵照新章改
辦巡警各按保之大小地之多寡分定巡兵之數目每保設巡目一員分
柳河全境為三路以蒙養純養安養休養東善養興養恩養
七保為南路頤養存養息養涵養直養愛養育養七保為東
路撫養宏養良惠養西善養引養培養和養七保為西路每路
自三月至八月由各保酌撥四十名並添練四十名共八十名為游擊手每
路派巡官一員巡弁一員各保巡兵按地籌餉添練游擊手四十名由房
捐養餉酌此外撥十哨勝水河子街各練巡兵十名計二十一保共巡

兵四百零五名連游擊共五百二十五名二十三年知縣張翼廷
以巡警舊章未盡完善復定詳細章程並於各保選派會董
專辦籌餉等事輪流值月積弊為之一清是年地方大定民漸
來歸知縣張翼廷復稟請修建巡警督察公所派警務學堂修
業生斌凱充當巡官練警兵三十名分段站崗於七月間開辦宵小
斂迹城內額設捕盜把總一員兵四十名奉軍副左路前營營官唐
敬師帶中哨住縣衙前哨住小堡左哨住通溝右哨住孤山子後哨
住樣子哨會同各路巡警下時巡緝以備防為

者舊

新設縣治並無舊

人類

滿洲漢軍 民籍 回回

戶口

旗戶八十五戶漢戶一萬二千五百五十戶共男四萬三千四百六十二名女二萬五千六百八十四口

氏族

新設縣治並無大姓氏族居住

宗教

回教人三百六十八名 天主教人一百八十四名 耶穌教人六十九名

實業

士一百九十五名 農三萬九千七百三十八名

工二千零一十六名

商一千五百一十三名

地理

本境在

盛京省東南五百六十里東至吉林濛江界一百七十里西至開原縣界一

百六十餘里西南至

興京界一百零三里南至通化界一百二十五里北至海龍府界不及

一里距府城一百二十里全境分為三路每路七保共二十一保縣無城

垣設知縣衙門一所典史衙門一所警督察衛生公所一所兩等小學

堂一所四面皆山縣衙後為任通河河北為海龍界街東有關帝

廟一所

一蒙養保縣治即在該保之中東西長六十里南北寬二十五里距縣

西二十里曰青溝子有巡警分局一所學堂一所東至顯春保西至

撫養保南至東善養保西善養保北至海龍府界境內山崗紛歧距縣里數以人行道計寬長均直算以下仿此

一頤養保東西長五十里南北寬五十五里距縣東四十里曰亨通山子有巡警分局一所東至存養保東南至育養保南至休養保西南至東善養保西至蒙養保

一存養保東西長十九里南北寬四十里距縣東八十三里曰半截河有巡警分局一所東至息養保東南至直養保南至愛養保西南至育養保西至頤養保

一息養保東西長二十里南北寬三十里距縣東一百零三里曰板石河子有巡警分局一所東至海龍界東南至涵養保南至直養保西至

存養保

一涵養保東西長六十里南北寬二十里距縣東一百二十里曰大灘平溝
有巡警分局一所東至吉林界南至純養保西南至直養保西北
至息養保北至海龍界

一純養保東西長四十五里南北寬四十里距縣東南一百七十二里曰凉水河子
有巡警分局一所東至吉林界南至通化界西南至安養保西至愛養保
西北至直養保北至涵養保東南接連

龍崗及支山上有龍灣三處俗名曰大龍灣二龍灣三龍灣

一真養保東西長四十五里南北寬十二里距縣東一百一十八里曰大椅子峯
巡警分局一所東至純養保南至愛養保西至愛養保北至息養保
東北至涵養保

一愛養保東西長三十里南北寬六十里距縣東南九十里曰二股溜有巡

警言分局一所東至直養保南至安養保西至休養保育養保北至存養保

一育養保東西長二十三里南北寬二十里距縣東南七十五里曰通順街有

巡警分局一所東至愛養保南至休養保西至顯養保北至存養保

一休養保東西長三十里南北寬四十里距縣東南七十里曰孤山子有巡警

分局一所東至愛養保南至安養保西至東善養保北至育養保距縣

六十五里有駱駝砬子山有廟一所勝水泉一道上有東西古城兩座

一安養保東西長二十四里南北寬二十五里距縣東南九十三里曰雙驢子

溝有巡警分局一所東至純養保南至通化界西至休養保北至休養保

一東善養保東西長四十里南北寬五十里距縣東南七十里曰五道溝口有

巡警分局一所東至休養保南至通化界西至西善養保西南至興養保

北至北家養保

一西善養保東西長四十三里南北寬二十五里距縣南七十五里曰二道溝

有巡警分局一所東至東善養保南至興養保西南至恩養保西至

撫養保北至蒙養保距縣九十里四道溝山上有古洞一處名朝陽洞有廟

一所

一興養保東西長二十五里南北寬四十里距縣南一百二十五里曰大牛溝有

巡警分局一所東至東善養保南至通化界西至和養保西北至恩

養保北至西善養保

一和養保東西長十五里南北寬三十三里距縣南一百一十里曰柞木台有

巡警分局一所東至興養保南至通化界西至培養保北至恩養保興

養保

一恩養保東西長三十七里南北寬二十里距縣西南九十里曰六盤梁亦有

巡警言分局所東至興養保東南至和養保南至培養保西南至引養保
西至撫養保東北至西善養保

一培養保東西長十五里南北寬十七里距縣西南一百一十里曰芭蒿砬子
有巡警言分局一所東至和養保南至通化界西至引養保北至恩養保
一引養保東西長二十五里南北寬十五里距縣西南一百零五里曰紅砬
子有巡警言分局一所東南至培養保南至通化界西北至宏養保北
至恩養保

一宏養保東西長十八里南北寬四十五里距縣西南八十三里曰向陽鎮
有巡警言分局一所東南至引養保南至

龍崗西至

與上界上至惠養保東北至撫養保

一撫養保東西長五十里南北寬五十里距縣西四十五里曰碗口溝有巡警分局一所距縣七十五里曰魚亮子有蒙小學堂一所東至蒙養保西善養保東南至恩養保南至宏養保西至惠養保北至海龍界距縣五十里碗口嶺上有廟宇一所

一惠養保東西長三十二里南北寬二十七里距縣西一百二十里曰南山城子有巡警分局一所東至撫養保南至

興京界西至開原界北至海龍界

龍崗在縣之西南一百零三里

與京界入境蜿蜒由縣之南界歷宏養引養培養和養興養東善養
休養安養純養等保向東北直達吉林濛江與

長白山相接為

永陵龍脈之幹山勢起伏綿亘二百十餘里箐密林深為諸山之冠山崗紛歧

居民依溝岔而居

二道溝大頂子在縣南二十五里蒙養保界東南與東善養保鷄冠砬子
休養保亂柴崗駱駝砬子相連迤北與育養保八寶樓及頭養保諸山
相接西南與撫養保之砬口嶺西善養保桅杆溝嶺懸養保藍山頂子相接
迤南直達

龍崗計西南東北綿長一百七十餘里寬三十餘里十餘里不等山崗紛歧
居民依溝岔而居

磬兒嶺在縣西七十餘里撫養保界山勢蜿蜒西至惠養保之楊樹河源南
接撫養保之當石河嶺宏養保之蛤蟆嶺相接直達

龍崗南北斜長四十餘里東西斜長五十餘里山崗紛歧居民依溝岔而居
大椅子山小椅子山在縣東九十餘里直養保界東南由五金頂子城水
頂子三連頂子各山直達

龍崗斜長六十餘里城水頂子迤西與岡春嶺台頭山黑石崗相連至蛤
螺河止斜長三十餘里山崗紛歧居民依溝岔而居

金龍頂子在城東南二百一十餘里統養保界與

龍崗接連蜿蜒西里大青頂子山崗紛歧居民依溝岔而居

五連頂子在城東南九十三里安養保界南與

龍崗接連

孤山子在城東南七十五里休養保界與亂柴崗接連直達

龍崗

三統河發源於縣之西南一百里引養保

龍崗之青頂子山東北流二十里樓子城廠又二里葦塘溝十二里塔養保

大黎子溝三里恩養保大花斜溝十三里藍山川七里拐磨子三里興養

保懷把信子折向東流三里西善養保孤山子又東北流六里半截溝口

三里興養保大牛溝相連西善養保前四道溝前三道溝之水歸之又東

流六里興養保小青溝三里大青溝一里東善養保料安子溝五里半一五

道溝二里半石頭河一里半小荒溝又斜向東北流十里六道溝四里大荒

溝十一里休養保西大板石河子十里安養保大肚子溝以上經過各溝

均有山水歸之自大肚子溝彎向東流十二里安養保凉水河子折向北流

十九里愛養保响水河子十里路螺河又斜向東北流八里直養保小圍山河

七里大圍山河六里涵養保大小灘平河轉向正北流五里息養保城水河
子八里板石河三里黃泥河十四里由樓上入海龍界

太平河發源於縣東南一百三十五里大青頂子西北流三十里入涼水河涼
水河發源於縣東南一百一十二里大荒頂子北流十八里折向西流十里會黃
泥河子黃泥河子發源於龍崗西北流十三里會涼水河西北流八里入三
統河

金川河發源於縣東南一百五十里金龍頂子西北流四十里入响水河响水
河發源於縣東一百二十五里三連頂子西流十六里與金川河會注西流
三十七里入三統河

烙螺河發源於縣東九十七里岡春嶺西流十八里折向北流十里入三統河

小圍山河發源於縣東一百一十八里大荷子山西北流十里入三統河

大圍山河發源於縣東一百一十八里小孤山斜向西北流三十五里入三統河

泉眼河發源於縣東北一百三十里黃泥崗斜向南流五里許入大灘平河

大小灘平河均發源於縣東一百五十二里黑石頭山抱涵養保之沙灘南北分
流北流向西北流三十里會泉眼河又西北流三十四里入三統河名曰大灘平河南
流斜向西北繞沙灘流六十五里入三統河名小灘平河

城水河子發源於縣東北九十八里三顯頂子西北流十二里入三統河

板石河發源於縣東北一百零二里黃榆嶺西北流十五里入三統河

黃泥河發源於縣東北九十八里杉松岡西流十五里入三統河

窩集河發源於縣東四十五里頤養休養兩保駱駝砬子山自螞蟻溝斜向東
北流四十里經存養保與白蒿溝河勝水河子會入東流十里會半截河又二里
會當石河折向北流十里入海龍界

當石河子發源於縣東三十五里大黃歲子北流二十二里折向東流八里過亨通山又東流九里臭溝子又東北流三十里入窩集河

勝水河子上游名淤泥河發源於縣東五十里東北流二十八里入窩集河

白蒿溝河發源於縣東七十里康石砬子山北流二十七里入窩集河

半截河發源於縣東五十里骨烟堡北流三十二里入窩集河

伊通河發源於縣西南一百零五里宏養保

龍崗之金廠嶺東北流七里柳河圍七里三道溝折向北流二里半四道溝口北流九里大楊木溝東北流三里向陽鎮二里小楊木溝大肚子溝七里撫養保八寶溝前當石河子十里野猪溝十七里碗口嶺六里樺皮甸子又東北流十五里蒙養保大青溝北流二十里頭道溝東北流十里二道溝北流五里轉向東南折向東流過柳河縣至孟家店二十里與柳樹

河子會入海龍界經過各溝均有山水歸之枯漲無常

柳樹河發源於縣東北三十三里駝腰嶺西流二十七里折向北流十里入伊統河縣以此得名

楊樹河發源於縣西南九十里宏養保毗連

龍崗之太平嶺西北流十六里過大北岔西流十里惠養保小堡北流五里轉砬子又五里孢子園十里葦塘溝十一里半三道河三里過南山城子四里至太平溝頭道河再北流十里入海龍界會入伊通河經過各溝皆有山水歸之漲枯無常黑石頭河發源於縣西七十五里惠養保磬兒嶺北流十五里轉向西北流十五里入海龍界

道路

縣東五里孟家店過柳樹河至柞木崗十五里均為海龍界下崗五里蘇家店為縣界五里樺皮川過嶺七里大黃歲子三里黑歲子五里亨通山十五里五大家十里當石河子十里紅土崖十五里陸家歲子五里入海龍界蔡家店為一支路又自亨通山十里臭溝子十里淤泥河子五里勝水河子十五里半截河十五里樣子哨二十五里邵家店二十五里接官廳為一支路又自樣子哨東南五里三道溝十五里砬門子通

龍崗

縣東南二十五里蘇家店十五里紅旗杆溝十里亮老婆溝十里鹿尾林五里釣魚台十里三塊石十五里涼水河子十五里大南岔為一支路又自鹿尾林北行十五里通溝集十里蛤螺河十五里小椅子山五里大椅子山二十里

至樣子哨為一支路又自鹿尾林十五里孤山子十里冒煙堡十里拐磨
子十里六道溝二十里大荒溝接

龍崗

縣南十五里柳樹河子十里駝腰嶺五里李家店十里公鷄嶺十里五
道溝十五里夾山子十五里烟角砬子十五里大牛溝十里葦塘溝十
五里柞木台接

龍崗

縣西十五里頭道溝十里青溝子十五里碗口溝五里碗口嶺十里冒家
店十五里小砬子十五里歪頭砬子二十里小堡南接

龍崗小堡四十里小通溝十五里紅石砬子十里藍山川十里大花斜十里鄒

家街十里冒家店

縣西南四十里碗口溝十里樺皮甸子十里野豬溝十里魚亮子十五里向陽鎮
十五里亂水橋十五里五鳳樓接

龍崗

縣西北四十里碗口溝十五里大沙灘十五里磬兒嶺十里黑石頭二十里南山
城子十五里板石廟十里頭道河入開原界
縣北不及一里伊通河河北為海龍界

物產

動物只有牛馬羊豕羊無多豕無常產之大宗馬牛僅敷耕作之用馬牛皮革製造靴鞋等物尚不敷用人烟稀少涵養直養愛養安養純養五保人烟尤稀境內並無虎豹麋鹿等類春秋天氣較寒不宜養蠶

植物

龍崗與濛江接壤一帶樹木深密歷年土人砍伐供附近居民之用並無銷路此外只有小麥大麥莠麥稈子藪子高粱穀子包米黃豆小豆菜豆土豆蘿葡白菜瓜匏蒟蒻線蒻菸草靛草等均為本境常產以為高粱黃豆為大宗

植物之藥材如人葎細辛升麻木通蒼朮柴胡桔梗黃柏天麻蛇床

子山豆根赤芍五味子扁蓄車前子葶藶子夏枯草前胡葛根黃
蒼管仲五加皮木賊益母草兗鈴紫苑狼毒紫草等為本境之常產
植物之製造產高糧穀子為造酒料之大宗黃豆蘇子為造油料之大宗
大麥小麥苽麥製造麵料小豆豌豆製造粉料包米土豆製造麵粉料
靛草製造染藍料

鑛物距縣東八十五里半截河有煤鑛一處土法挖採縣東南四十里紅旗
杆溝有煤鑛一處土法挖採銷路不旺此外並無金銀銅鐵等鑛製造器
物皆自外運

商務

藍靛歲出約二三萬斤歸本境銷行豆油歲出約三四萬斤豆餅歲出約
二萬餘塊均本境銷行燒酒歲出約一百餘萬斤墳麻線麻歲出約六七
萬斤均本境銷行黃菸歲出約六七十萬斤除本境銷行十分之二三餘皆
運外銷行黃蘑歲出約一萬餘斤山茶歲出約一萬餘斤本境銷行冬夏三
餘皆運外銷行